

蟻術詞選四卷

元邵亨貞撰亨貞有野處集見

四庫全書伏讀

四庫全書總目云亨貞所著蟻術詞選世已無傳又云其詞世少見惟陶宗儀輟耕錄載所作心園春二首雋永清麗頗有可觀蓋所長尤在於此惜詞選今已久佚矣歲書家未見著錄古今詞話亦稱貞心園春詞新艷又情書中追和趙孟頫十首紫侯文燦所輯松雪詞也佚貞點律辰一闕感皇恩一闕蝶戀花一闕未嘗不藉出以見其梗概也 研字作室書錄



蟻術詞選目錄

一卷
今

擬古十首

浪淘沙	浪淘沙	浪淘沙	小重山	賣花聲	鳳來朝	河傳
感舊	代簡	錢南	浙江	擬遺	尊前	早梅
問疾	簡南	錢南	浙江	擬遺	尊前	早梅
訊疾	問疾	代簡	錢南	浙江	擬遺	尊前
作	問疾	代簡	錢南	浙江	擬遺	尊前

國家圖書館, NATIONAL CENTRAL LIBRARY, TAIWAN, R.O.C.



虞美人	浪淘沙	唐多令	鵲橋仙	杏花天	臨江仙	蝶戀花
柳濱	晚宮	錢塘	擬龍	垂虹	水檻	夜宿
泛荷	宮過	塘曉	龍洲	虹夜	檻過	宿西
	雨	曉渡	懷古	泊	雨	堂
						掖

二卷
會

虞美人 謝張芳遠
虞美人 惠杏芳遠
虞美人 水仙
虞美人 水仙
虞美人 水仙

有觀燈之樂故形之景可也
朝語時子有子為即景可也
韻乎義曰姑為即景可也
朝語時子有子為即景可也
朝語時子有子為即景可也

河傳 戲效花間體
河傳 戲效花間體
河傳 戲效花間體
河傳 戲效花間體
河傳 戲效花間體

浣沙溪 春感
浣沙溪 春感
浣沙溪 春感
浣沙溪 春感
浣沙溪 春感

南柯子 次韻衛立禮
南柯子 次韻衛立禮
南柯子 次韻衛立禮
南柯子 次韻衛立禮
南柯子 次韻衛立禮

減字木蘭花 崔女郎
減字木蘭花 崔女郎
減字木蘭花 崔女郎
減字木蘭花 崔女郎
減字木蘭花 崔女郎

清平樂 碧桃
清平樂 碧桃
清平樂 碧桃
清平樂 碧桃
清平樂 碧桃

戀繡衾 初夏
戀繡衾 初夏
戀繡衾 初夏
戀繡衾 初夏
戀繡衾 初夏

後庭花 擬古
後庭花 擬古
後庭花 擬古
後庭花 擬古
後庭花 擬古

追和趙文敏公舊作十首

點絳脣 無題
點絳脣 無題
點絳脣 無題
點絳脣 無題
點絳脣 無題

感皇恩 憶梅
感皇恩 憶梅
感皇恩 憶梅
感皇恩 憶梅
感皇恩 憶梅

蝶戀花 無題
蝶戀花 無題
蝶戀花 無題
蝶戀花 無題
蝶戀花 無題

浪淘沙 無題
浪淘沙 無題
浪淘沙 無題
浪淘沙 無題
浪淘沙 無題

點絳脣 著色苔梅
點絳脣 著色苔梅
點絳脣 著色苔梅
點絳脣 著色苔梅
點絳脣 著色苔梅

江城子
江城子
江城子
江城子
江城子

虞美人 無題
虞美人 無題
虞美人 無題
虞美人 無題
虞美人 無題

太常引 無題
太常引 無題
太常引 無題
太常引 無題
太常引 無題

風入松 南金寓橋李予客海
風入松 與李仲與敘舊

風入松 白橋明月中木蘭花慢結句云黃先
生每歡賞之一月玉作清平樂贈一道人末
云未試舉以餐玉仍朝且入藍田自以為
得意時舉以似人仍朝且入藍田自以為
得此文夏上賢諸子正有出郭行春之約乃
綴此復命且訂其盟

江月晃重山中 秋客愁

江月晃重山 辛丑上元前一夕積雪晴瑣
館者慨然感
興以此寫之

古調吟令 暮春
昭君怨 擬古小畫

阮郎歸 次韻南金早秋
西江月 東城夜思

西江月 賦陶光書室

西江月 酒闌與南金

訴衷情 夜思

太常引 次韻伯陽

太常引 次韻伯陽

菩薩蠻 新秋夜涼浴

菩薩蠻 蘇小像

謁金門 秋望

點絳脣 暮登新安鎮

點絳脣 秋夜橫柳旅牕

點絳脣 聽雨有懷故
宋朝遺老也嘗有長短
句高照菴先生宋朝遺老也嘗有長短
自可想見村落秋深景物近見吳楚舟期後

約而涵詠不已有當予心故述即景且期後

江城子 癸丑歲夏下澣信步至漁溪潘氏

綠樹間適行囊中夕照等林與吳楚舟子
逸態飛越不忍釋手因依調口占以寄清

興古人云人生百年間大要行樂

花間詠衷情二首

花間詠衷情舊作亂曹居竹翁

鬲溪梅令和南金 玲瓏四犯秋感

暗香吳中顏氏舊時月色亭陸壺天倡始用

掃花遊春晚先生元韻以詠黃一峯將卷索賦

木蘭花慢蘇昌齡過曹雲翁貞溪故居賦詞

卷八

長亭怨慢楊花

渡江雲庚戌臘月九日與邾仲義同往江陰

葦弭望朔吹舟無錫之高橋亂後荒寒茅陰

義登橋綴目霜月遍野情懷恍然口占紀

行求仲

義印可

八聲甘州次錢思復懷錢塘舊遊韻

法曲獻仙音寄壽雲西老人時吳興張石隱

滿江紅丙午重陽前二日雨

滿江紅丙午重陽前二日雨

滿江紅丙午重陽前二日雨

滿江紅丙午重陽前二日雨

洞仙歌賦孫明舟水

江城梅花引陸壺天錢素菴二老相會皆有

祝英臺近和雲西老

祝英臺近和雲西老

三卷 慢

紅林檎近水村冬景次
紅林檎近錢素菴韻
隔浦蓮水檻晚晴
春草碧次韻素菴

蘭陵王春日寄錢塘諸友
蘭陵王見示此公蜀故家因以蜀語次韻答之

蘭陵王歲晚憶王彥
八歸秋夜詠懷
摸魚子寒食雨中
摸魚子歲晚感懷
摸魚子題王德璉

摸魚子次魏彥文中九日
仲達以節物為具同席數人意頗歡適乙
陽依日在九山望興懷往事不能無述未
謂難逢又在何處駒隙如馳行樂能幾所
賀新郎沙德潤任以南相興追和貫酸齋

賀新郎曹國紅梅數種十餘樹雲西老人手
幼文命客飲不與越數日幼文持卷求
次韻席上出嘉曹新民賦詞為

沁園春龍川先生以此詞咏指甲小脚為絕
代瞻炙繼其後者獨未之見彥強庚

四卷 慢

兄示我眉目二作真能追逐古人子百歲
之上不既難矣暇日偶于衛立禮座上以
告孫季野文為之擊節不已因
約相與同賦翼日而成什焉

沁園春 無題

風流子 次李仲與

霜葉飛 小溪歲晚與南

花心動 黃伯陽歲晚見梅道遇舊賦以贈別

和

花心動 贈散妓塘

南浦 次韻答南

西河 一春索居况味

六州歌頭 戊申歲一春強半風雨不可出戶
烟雨中望鄰牆桃花殆欲零落感人事之
不齊歎芳時之易失信筆紀述斐然成章
桓司馬謂林猶如此人

東風第一枝 遊年來逆境驅馳不知歲序之有
新正與南金剪燈小酌分題寫懷追念古
人樂事今無一在眼於文字中見其一
二遂合想豫舊事為之然心之所好亦寂
寞中一樂也子得此調南金得春從天上

東風第一枝 春來兼旬寒氣不減舊臆正月
南金偶道及前作翁欣然招飲聽雨西隄
命筆次韻故又口占為謝

春從天上來 早春南金齊天樂 甲戌清明

齊天樂 懷已卯春客樓雨中

齊天樂 懷已卯春客樓雨中

齊天樂 懷已卯春客樓雨中

蟻術詞選目錄畢

齊天樂 戊子清明次
 齊天樂 曹雲翁韻
 齊天樂 甲午七月望後橫
 齊天樂 秋聲滿樹小窗暮倚
 齊天樂 不勝樓閣小窗暮倚
 齊天樂 呼煙著此樓閣小窗暮倚
 齊天樂 和韻再歌以謝之見
 齊天樂 戊戌冬初領省檄會
 齊天樂 蕩析皆黃茹白骨之秋稼
 齊天樂 惡李侯索賦道間口占復命殊
 齊天樂 龍翔南寓金陵嘗有寄金子尚魏
 齊天樂 獨以賞音見許而不知予頻年連嬰逆景
 齊天樂 久踈詞筆非復向時懷抱矣申秋抄却
 齊天樂 仲義持示倚詞卷二閱其文寄聲併索近却
 齊天樂 入卷乃為倚詞卷二閱其文寄聲併索近却
 齊天樂 南還家
 霓裳中序第一 中秋後二
 疎簾淡月 興道中伯成吳
 角招 故園舊有老梅數株自唐午至庚辰十
 步載之 間六遭巨浸無一月存者年來惟起
 以紅萼一村之 見予辛巳正月廿四日曹雲翁
 之不解置因綴此閑風度絕韻舊感橫生念
 為解併以謝翁焉
 憶舊遊 清和韻 彥文
 水龍吟 戊申燈夕雲

蟻術詞選卷之一

令

擬古十首

樂府十擬弁陽老人為古人所未為素
菴先生復盡弁陽所未盡可謂一出新
意矣暇日先生以詞藁寄示且徵予作
既又獲見樵李諸俊秀所擬益切竒出
閔誦累日無厭因悟古人作長短句若
慢則音節氣槩人各不類往往自成一

元雲間邵復孺著
明新都汪櫻校



家至于今則律調步武句語苦無大相
遠者間有奇語不過命以新意亦未見
其各成一家也所以今之擬為尤難強
欲逼真不無蹈襲稍涉已見輒復遺背
由是未易苟措茲重以先生之請思索
且得十解未知其實能似古人與否惟
先生有以教焉至正二年二月甲子序

升陽周草窗號
素菴錢子雲發

河傳

擬花間

春日宮詞

春殿簾捲鬱金香遠午漏沉沉柳陰樓前怨紅何處尋
沉吟玉溝流水溪 睡起長門催侍宴情正勸強把鏡
奩展露柔莢添黛眉步移君王猶訝遲

蝶戀花

擬雪堂

夜宿西掖

蓮燭煙銷深院裏玉宇瓊樓夜色明如洗月到紫薇花
樹底闌干露重無人倚 金鑰無聲門不啓華髮蕭蕭
尚擁青綾被聽盡樓頭更漏水一聲唱晚鷄人起

鳳來朝

擬清真

汴隄送別

駐馬隋堤路怨凌波背人喚渡正琵琶撥到傷情處又
底事便輕去 日照啼紅無數酒杯乾再三細語轉首
又天涯暮怎約得畫桡住

臨江仙

擬無住

水檻過雨

一滴天瓢瀉暑夕陽微漏殘紅竹闌乘興倚薰風笑

驚雙白鳥飛過藕花叢
羽扇綸巾閒到我百年世事
匆匆若耶溪上舊相逢
晚來回首處山色有無中

賣花聲

擬順菴

早朝應制

煙樹重重春在景陽宮殿翠
深籠寒尚淺千官過處
有黃鸝百轉五雲中
漸移龍扇
鈞天九奏迤邐霞觴
催獻笑聲喧霓裳舞遍
香烟滿袖
更宮花迎面喜新未
太平重見

杏花天

擬白石

垂虹夜泊

月明消却娃宮酒
聽吹笛清寒滿袖
向時雙槳載離愁
去後幾春風待問柳
謾回首三江渡口
念西子如今
在杏上方鐘動
客船開別久
寄新詩興未有

小重山

擬梅谿

尊前贈妓

綠鬢低低壓翠鈿
霞眉彎似月
闌嬋娟
夜涼和袖拂冰
絃
嬌無奈何
況酒尊前
歌罷意悠然
一聲新鴈過
暗愁牽
明朝江上水
連天
凌波步萬一
故人憐

鵲橋仙

擬稼軒

中原懷古

殘陽隴樹寒煙塞
草戲馬臺前
秋老黃河日日水東流
斷送却英雄多少
西秦笳鼓東山寄傲
萬事付之一
笑
閒來繫馬讀殘碑
又目斷江南飛鳥

浪淘沙

擬遺山

浙江秋興

紅葉滿青山
掩映溪灣
柴門鷄犬白雲間
江上草堂塵不到
老子心閒
霜後橘闌斑
籬籬鞠香殘
夕陽回首一

憑闌世事悠悠吾老矣且放杯乾

唐多令

擬龍洲

錢塘晚渡

晨色動征衣疎鐘隔翠微
小蓬萊烟樹高低潮去潮來
吳越恨江上月故依依
人老昔遊非愁多春夢稀
舊相思重見無期蘇小門前楊柳樹
應折斷最高枝

浪淘沙

錢南金疾作代簡問訊

秋意滿平蕪夢繞尊鱸
一江烟水鴈來初昨夜西風吹
杜若渺渺愁予
人隔楚天隅相望躊躇想應多病故
人疎門巷淒涼誰買賦瘦也相如

又

晚憩過雨

楊柳弄黃昏不掩重門長條盡是舊愁痕
獸自倚簾看

晚色無限消魂
風雨小溪渾春過三分明朝鷺燕又

紛、唯有天涯芳艸怨依舊王孫

又

感舊

江外雨初收江水悠悠舊時枇杷葉去難留
幾度春風楊柳暗不繫離舟
別久減風流夢斷西樓年年二月踏
青遊不是沙邊無杜若嬾寄閒愁

虞美人

柳濱泛荷

南風十里平湖外夜舞凌波隊
米家書畫滿船頭更著
小憐歌舞障清愁
烏紗不共人間暑別有談玄塵
來嬾作斷腸聲只怕花能解語又多情

又

謝張芳遠惠杏花

閉門日日聽風雨不道春如許
老耒猶自愛看花及至
看花雙眼被愁遮
杏花不改胭脂面愁裏驚相見
花枝猶可慰愁人只是鬢鬢知髮不禁春

又

水仙

幾年不見凌波步只道乘風去
山寒歲晚碧雲寒驚見
飄蕭翠袖倚琅玕
玉盤承露金盃勸幾度和香
嚙冰霜如許自精神知是仙姿不汗世間塵

又

壬子歲元夕與知仲義同客橫泖
義約予偕作詞紀節序予應之曰
古人有觀燈之樂故形之咏歌
今何所見而為之

乎義曰姑寫即景可也夜枕不寐遂成
韻語時予有子復之戚每無歡聲詰朝
相見而義詞竟不成云

客牕深閉逢三五不恨無歌舞
天時人事總悽然只有
隔牕明月似當年
老夫分外情懷惡無意尋行樂
眼前觸景是愁端留得歲寒生計在蒲團

又

無情世事催人老不覺風光好
江南無處不蕭條何處
笙歌燈火做元宵
承平父老頭顱改就裏襟懷在相
逢不忍更論心只向路傍握手共沈吟

河傳

戲效花間體

庭院春淺重門深掩寂寞東風睡濃起來繡窗花影重
嬌慵宿粧凝淡紅待把眉山臨鏡畫還又罷却放翠
簾下畫樓間樓外山倚闌只愁相見難

又

春晝勅繡輕揎羅袖背倚秋千杜鵑年年惱人三月天
錦牋空將心事傳小玉偷移箏上鴈絃索斷驚起睡
鴛散粉牆西楊柳堤馬嘶誰家遊子歸

又

戊戌歲暮吳中客樓夜思

樓迴人靜雨搖燈影夢繞天涯路賒水邊小梅開幾花
人家酒旗何處斜客路冰霜驚歲晚情緒懶長是念
疎散小溪濱猶有春故人幾時相見頻

浣沙溪

早春

殘雪樓臺試晚晴鎖香簾幙釀微醒淺寒燈市有人行
別院金刀裁白苧誰家銀燭度瑤箏早春天氣已闌
情

又

金碧圍屏小博山錦籠鸚鵡舊雕闌黃金楊柳弄輕寒
翠帳半垂鴛結帶朱門雙掩獸連環東風猶鎖黛眉
彎

又

暮春雜興

竹檻雲牕古畫圖煙隄花鳥小蓬壺晝長人靜鳥相呼
玄璧光浮銅雀研紫綿香冷博山爐半歌高枕富人

扶

又

雨過池塘綠水生竹陰深處小橋橫魚吹翠浪柳花行
獨倚曲闌魂欲斷沉思傾國句難成忽忽春晚更傷
情

又

春感

西子湖頭三月天半篙新漲柳如煙十年不上斷橋船
百媚燕姬紅錦瑟五花宛馬紫絲鞭
牽 牽 春色暗相

又

丁酉早春試筆東錢南金

亂後無詩做好春春光却又慳詩人溪頭舉目暗傷神

楊柳官橋人跡絕杏花歌館燒痕新相期何處避兵塵

又

折花士女圖

折得幽花見似人沈吟無語不勝春采香徑裏戰生塵
濃綠正迷湘北渚輕紅不入宋東鄰一春幽恨幾回
新

一落索

新柳

陌上東風初轉暗黃猶淺金鞭拂雪記章臺是幾度朱
門掩 千縷柔絲迎面吹笙人遠粧樓妬冷繡簾垂恐
悞了覆瓿鷺

又

縷、鶯黃拂曉弄烟輕。裊宜春花外萬絲金。記朝罷鶯啼早。學舞楚畹猶小。不禁寒悄。近來張緒減風流。又恐被蛾眉惱。

南柯子

次韻衛立禮春街蹋月

門掩黃昏後。風銷絳蠟時。行春小隊夜參差。一曲僊音飛上廣寒枝。不訪金釵客。空歌白苧衣。畫橋梅影散玻璃。月底婆娑帶暗香歸。

減字木蘭花

秋思

錦屏香斷誰在。朱樓吹玉管。喚起淒淒。不似河橋聽得時。雲階月地長憶青燈。啼絡緯秋滿。閒門斷送。潘郎瘦幾分。

又

崔女郎像

紅粧傾國人在蒲東。誰畫得玉骨成塵。往事流傳恐未真。月明牕戶猶似隔牆花動處。夜冷西廂一度魂歸一斷腸。

又

吳江夜泊

江頭日暮客子移舟。迷去路望斷天涯。燈火深卽賣酒家。銅駝巷陌荒草寒鷗煙樹隔。往事無情舊夢依然到五陵。

清平樂

碧桃

瑤笙吹罷月滿僊臺。下詒扇半歌羞澹冶。一點芳塵不惹。臨溪更洗殘粧。低回玉洞春光。渙却當時脂臉。後

教惱殺劉郎

又

梨花

綠房深窈踈雨黃昏悄門掩東風春又老琪樹生香縹緲一枝晴雪初乾幾回惆悵東闌料得和雲入夢翠衾夜夜生寒

戀繡衾

初夏

柳花零亂愁滿天又江城啼老杜鵑小庭浣雨初過權歌聲驚起晝眠微風搖蕩湘簾影浪花斜輕裊篆烟問白苧裁成未剪刀猶憶去年

又

辛丑元日

門前爆竹兒女喧野人家時序尚然盡說衛春來好老來人長怕換季東風到底無涯岸也殷勤相遇小園第一是朱顏改縱花開羞挿髻邊

又

曹翁文以庚午歲太初老禪泊雲西居竹二翁燈夕所賦舊藁見示求予追和屈指三十餘年三老僊去久矣今昔之感不能已子言也時至正辛丑上元日

重逢元夜心暗驚憶當年諸老放情對芳景張燈火畫堂深蕭鼓到明烏衣巷口東風在甚而今春炒亂生試檢點繁華夢有梅花曾見太平

後庭花

擬古

銅壺更漏殘江粧春夢闌江上花無語天涯人未還
倚樓閒月明千里隔江何處山

又

剝船鸚鵡洲題詩黃鶴樓金谷銅駝夢湘雲楚水愁少
年遊好懷依舊故人還在不在

蟻術詞選卷之一

長洲
吳曜書
袁宸刻

蟻術詞選卷之二

今

追和趙文敏公舊作十首

客有持文敏公手書所作小詞一卷見
示者且求作長短句題于後公以承平
王孫而嬰世變離黍之悲有不能忘情
者故深得騷人意度予生十有四年而
公薨每見先輩談公典刑問學如天上
人未嘗不神馳夢想昔東坡先生自謂

元雲間邵復孺著
明新都汪稷校

不識范文正公爲平生遺恨其意蓋可想見此卷辭翰不忝古人諳然貞元朝士大意以謂擬古之作魏晉以下由來久矣僭以己意追次元韻其於先哲風流文采或可備高唐想像之萬一云

點絳脣

擾：行歲百年世事悲歌裏歡娛有幾不倦青鞵敝
昨夜東風暖透鴛鴦被春歸未故園山水青眼何曾昧

又

著色苔梅

萼綠仙人孤山雪後相逢處舊時村路璨：琅玕樹
玉出藍田不受纖塵汙長懷古羅浮風度夢逐么禽去

感皇恩

憶梅

客裏訪南枝幾番愁惱石逕蒼苔倩誰掃江畔人家籬
外一枝開早雪中回首處春猶好如此清香寒蟲應
飽醉帽斜簷任歌倒而今相見那似向時懷抱舊遊長
入夢孤山道

江城子

水仙

凌風翠袖興飄然步履蹁跹忘言淨洗明粧不與世爭
妍玉質金相清韻絕端可擬月中仙天寒日暮水雲
邊忍相捐意難傳回首珠宮貝闕不勝寒環珮珊珊
冉冉誰敢與鬪嬋嬋

蝶戀花

鷺子樓邊春意早樓上紅粧何似當時好一自畫眉人
去了夢魂暗逐天涯草 蹋蹋馬蹄江路杳教盡歸期
屈指東風老惆悵一春歡事少幾回月落紗牕曉

又

湖上雙、新燕子飛過垂楊認得朱門裏回首向時歌
舞地幾番惆悵尋鄰里 觸景愁多心似醉倚遍闌干
目斷春山翠忽見呢喃華屋底等閒牽動離人淚

虞美人

天台洞口桃開了無奈劉郎老多情何苦歎途窮人與
花枝都在暗塵中 箇人那日猶瘦小簾底秋波渺別
來幾度見春風應是前花落水流東

又

天涯綠遍王孫草魂夢長飛繞長安無復麗人行只有
青山依舊向人明 平泉金谷俱陳迹古路荒苔碧金
鞍去去不思歸不道綠牕深處故人非

浪淘沙

佳麗古神州畫出營丘龍飛鳳舞小瀛州一自水流東
去後多少離愁 湖上汎龍舟歌吹悠悠翠華黃屋舊
曾遊王氣消沈遺恨在烟水空

太常引

蓬壺閬苑景飄蕭青玉案紫鸞簫五彩鳳凰毛記曾覽
彤廷奏韶 夕陽回首漢家陵闕霜露滿岩堯說著舊

遊遨便想起風流二喬

風入松

南金寓樵李子客海隅寄此
以叙間濶

十年心事暗相牽收拾此燈前
向來行樂匆匆遇到如今想像依然
踏月幾番鄰巷看花長共嗟船
故人一別阻斜川曾記遠遊篇
新來我亦長為客把故園分付
寒烟縱使此回相見好懷不似當年

又

與李仲輿叙舊

小溪溪上十年遊酌酒對花謳
竹西歌吹曾同賞到如今夢裏揚州
綠髮潘郎老大近來懶說風流
故人握手話綢繆重問舊盟鷗
五陵風度猶無恙算閒身底事
沉浮莫說烏衣巷口夕陽都是新愁

又

白仁甫集中木蘭花慢結句云二十四
橋明月玉人何處吹簫一峯黃先生每
歎賞之一日作清平樂贈一道人末云
未試囊中餐玉明朝且入藍田自以為
得意時舉以似人仍索予試作一解時
陸彥文夏士賢諸子正有出鄙行春之
約乃綴此復命且訂其盟先生對客擊
節不已

當年曾過京東鄰汗漫踏芳塵
如今記得歡遊處畫橋

橫綠水粼粼借問酒家何處牧童遙指花村 近來樂
事底因循春又過三分百年能幾開懷抱遠天涯芳草
銷魂但願有錢留客也勝騎馬人門

江月晃重山 中秋客牕

碧樹天香帶露未樓翠袖教寒夜深人醉碧闌干玲瓏影
長是隔簾看 又見庭前素魄何堪鏡裏朱顏十年一
夢此身閒西窗情詩興頗相關

又

辛丑上元前一夕積雪試晴頓有春意
小溪之上有張燈于琳館者慨然感興以
此寫之

梅萼香融霽雪簷牙煖溜懸冰出林幽鳥動春聲元宵
近愁裏夢還驚 村巷依然素月寒窓祇是青燈難尋
遺老問承平南朝事千古獨傷情

凭闌人

題曹雲西翁贈妓小畫

誰寫江南一段秋粧點錢塘蘇小樓樓中多少愁楚山
無斷頭

古調笑令

暮春

雙燕覆鶯飛過柳梢不見舊時王謝堂前回首斜陽
暮烟暮烟暮烟暮芳草落花滿路

又

春水春水薄暮曲闌更倚夕陽江上青山山外行人未

還未還未還未千里相思不寄

又

官渡官渡猶記畫橈去路小憐歌扇誰尋歲歲東風恨
深恨深深恨風外落紅幾陣

昭君怨 擬古

江外誰家雙槳激破浪花微響金翠小鴛鴦對悠揚
望斷淞陽極浦不是淩波歸處行過畫橋陰又沉吟

阮郎歸 次韻南金早秋夜思

暮雲隔樹起秋陰晚來涼漸深清商瑟瑟和微吟虛堂
風露侵鄰燭淡寺鐘沉青綾懷舊衾故家風度香難
尋與誰論素心

又

茂陵多病不勝纜多情還倚樓隔江何處泊離舟有人
歌遠遊清興在此生浮老來長是愁西風吹夢白蘋
舊鷗今在不

西江月 東城夜思

古屋深燈弄影巖城怨角催更掩門欹枕柰微醒巷陌
鳥聲初靜客裏依然好景年來底事無情嬾寒已透
讀書屏舊恨不堪提省

又

賦陶九成甕牖朝光書室

土室融、曙色山窗晏、春眠東風檣氣滿壺天依約鏡
奩初展晴散茅簷雲彩暖浮紙帳香煙一枝花影弄

嬋娟染就素羅團扇

又

酒闌與南金徜徉村巷各信意
小述

故舊今成二老歡遊長記當時山中吟屐夢中詩多少
晉人風致但得諸郎俊拔不嫌我輩衰遲殘李飽飭
話心期如此差強人意

訴衷情

夜思

滿城鐘鼓夜初寒人靜掩重關驚鳥飛繞庭樹月已上
闌干微有興澹無歡小盤桓良宵如許香冷金猊夢
繞青鸞

太常引

次韻黃伯陽寒夜

玉梅花底舊青燈照我鬢星星寒透遠山屏無夢到春
壇酒餅江空歲晏路還人遠消得幾沉疑一夜玉壺
冰又惱得又園病成

又

次韻伯陽雪中

銷金帳底燭花偏任擁嬋娟遙夜酒杯傳幾沈醉瓊
林洞天梅花如舊竹窓猶在留得煮茶煙
船待歸問羊裘故川

菩薩蠻

新秋夜涼浴罷露望

清江倒浸雲峰巧采菱渡口輕舟小水面晚風香蒹葭
搖嬾涼瀟湘人漸老玉珮驚秋早毳鳥慣忘機昔人
何處飛

又
金風簌、敲梧井畫屏耿、揉燈影屋角月華明樹頭
烏鵲驚、年光流水去青鏡催遲暮便欲泛仙槎迨、河
漢賒

又

蘇小小像

錢塘回首春狼藉湖山依舊橫金碧何處是兒家粉
牆楊柳斜佳期難暗卜檀版傳心曲隨意帶宜男就中
應未堪

謁金門

秋望

秋雨裏目斷一溪煙水隱、人家疎樹底渡頭燈火起
風弄遠汀蒲葦香冷虛堂窓几陡覺夜涼侵翠被好

懷今有幾

又

山隱隱天際暮雲收盡嶺未秋生風漸緊楚江千萬頃
江上美人無信換却潘郎鬢幾夜相思天遠近雁
來猶未準

點絳脣

暮登新安鎮城樓

暮倚高樓太湖西畔青山近鴈邊雲暝目力隨天盡
落日平蕪點點餘烽爐西風緊亂沙成陣故惱雙蓬鬢
又

荒草寒烟幾年不到新安路舊時行處流水迷官渡
萬里風埃撥送流年度傷遲暮東馳西騫俛仰成今古

又

秋夜橫泖旅牕聽雨有懷故園

兩鬢秋風掩闕坐聽黃昏雨燈前自語世亂甘清苦
萼州愁烟荒却東陵圃歸期阻荆榛滿路投老知何處

高照菴先生宋朝遺老也嘗有長短句
云夢遠荆溪蠓肥却甕滿每誦之自可
想見村落秋深景物近見吳楚舟調而
涵泳不已有當予心故述即景且期後

約

極目平蕪渚寒烟暝秋波遠鳧鷖散亂照天涯晚

蟹壯萼香村甕家滿頻相見幽懷共展剪燭巴山館

江城子

癸丑歲季夏不澣信步至漁溪潘氏莊
暑雨初霽夕照穿林與吳野舟坐綠樹
間適行囊中有松雪翁所書江城子逸
態飛越不忍釋手因依調口占以寄清
興古人云人生百年間大要行樂耳卒
章以此意為消憂之勉云

踈雲過雨漏斜陽樹陰涼晚風香野老柴門深隱水雲
鄉林下草堂塵不到親枕簟懶衣裳故人重見幾星
霜鬢蒼、視茫、把酒獻、教唯有歎興亡須信百年俱

是夢天地濶且徜徉

花間訴衷情 擬古

江路風雨春又去掩重門樓上暮山翠鎖愁痕烟草弄
黃昏玉孫好懷誰與論暗消魂

又

畫水入靜花弄影小紅粧斜倚畫闌畔看鴛鴦風暖思
悠揚橫塘桃花流水香盼劉郎

又

追配曹居竹翁舊作

深院人勸春去遠綠陰寒宿酒睡初醒凭闌干梅子翠
團團小鬟試攀薦雕盤愛微酸

鬲溪梅令

和南金鴛湖舟中韻

幾年不到畫橋西路依稀白首淡烟殘柳音遊非遠聲
何處悲 故人不見夢魂迷草萋々幾度倚闌欲寄舊
相思相思無盡期

玲瓏四犯

秋感

秋晚登臨漸古驛丹楓初試霜信暝宿河橋長記畫桡
乘興清夜載酒呼燈向水面琵琶曾聽想那時席上歌
舞多少舊家風韻 茂陵投老惟多病好情懷怎堪提
省西風又動江湖夢歡事今誰領重見縱有後期怕冷
袖弓腰難認最惱人沙上孤鴈落寒成陣

暗香

吳中顧氏舊時月色亭陸壺天倡始用

白石先生元韻以詠黃一峯持卷索賦

水邊寒色又怎禁，倘晚一聲長笛廢。苑日斜，玉蕊疎，賦未快。摘回首，江南舊夢，何處覓黃昏。詩筆縱，近日雪滿西泠，誰解為移席。蕭瑟更幽寂，記駐馬、斷橋頓覺愁積。倚風暗泣，離黍殘碑，尚追憶。絕艷無人管，領潮自落吳山橫。碧便想像風景好，可能再得。

掃花遊

春晚次南金韻

柳花巷陌，悄不見銅駝。采香芳侶，畫樓在否。幾東風怨笛，凭闌日暮。一片閒情，尚繞斜陽錦樹。黯無語。記花外馬嘶，曾送人去。風景長暗度，奈好夢微茫，艷懷清苦。後期已誤，剪燭花未卜。故人來處，水驛相逢，待說當年

恨賦寄愁與鳳城東舊時行旅

汴州第一

丙申初冬次錢素菴韻

江國初寒，雲外鴈過，懷人烟浪千頃。短策行吟，荒臺延佇，斜日依然照影。鷗鳥橋邊，幾負了扁舟清興。舊約蹉跎，新詩冷落，怎堪提省。故里年來歡事，迴算何似向風景。倚馬朱扉，調箏翠袖，一向新盟冷。但沈思遊宴處，紅樓外柳條相映，不見君來，侍重尋山陰夜艇。

木蘭花慢

蘇昌齡過曹雲翁貞溪故居賦詞致慕蘭之感，幻文來致其意，求次韻入卷。

訪溪翁隱處，渾不減、輞川西。指花下吟牕，松間畫壁，名

筆交題經行向來坊陌藹茂林脩竹與雲齊丹竈遺基
彷彿墨池流水悽迷 青藜乘興蹋春 仙路入杳蹊
歎前輩風流故家文物往夢難提那能九原重起向
三生石上縱揮犀回首不勝魂斷夕陽芳草萋萋：

長亭怨慢 楊花

正愁怕曲江雲盡轉首隋堤尚留芳景客路相逢滿身
香影動離恨綠牕深窈渾不寄天涯信暗憶那回時向
馬足車輪長是隨趁 問春心何在一點沾泥無準潘
郎怕老又禁得雪添雙鬢恨日暮靜掩長門且頻嚼東
風休緊謾猶記章臺簾捲日長人困

渡江雲

庚戌臘月九日與邾仲義同往江陰是
夕泊舟無錫之高橋亂後荒寒茅葺
望朔吹乍靜山氣乍昏復明起與仲義
登橋縱目霜月遍野情懷恍然口占紀
行求仲義印可

朔風吹破帽江空歲晚客路正冰霜暮鷗歸未了指點旗
亭弭櫂宿河梁荒烟亂草試小立目送斜陽尋舊遊恍
然如夢展轉意難忘 堪傷山陽夜笛水面琵琶記
當年曾賞嗟老來風埃憔悴身世微茫今宵到此知何
處對冷月清興猶狂愁未了一聲漁笛滄浪

八聲甘州

次錢思復懷錢塘舊遊韻

歎前朝勝地正離、荒草不勝春縱湖山尚好泉乾虎
跡井闕龍鱗多少王侯第宅遊賞太平身車馬經行處
錦繡紛紛 夢裏曲江宮殿自長安日遠深鎖愁雲念
牆頭楊柳憔悴向誰顰又東風烏啼花落黯黃昏胡騎
滿城塵當時事不堪回首重問陳人

法曲獻仙音

寄壽雲西老人時吳興張石隱武林謝
長源會稽胡伯大海隅王子章皆苗老
人賓館二月二十八日也

穀雨晞晴柳風吹暖春在綠陰深處青鳥傳書羽僊清
道天香暗滿牕戶準擬問長生路桃花幾千樹黯凝竚
看斑衣近來得意雲路迥千里易成濶步銅狄儘摩
挐任高堂暮景容與見說西園有佳賓釀酒同賦恨牡
丹花下此際不陪罇俎

滿江紅

丙午重陽前二日雨霽泗涇
倚闌望九山

雲瑣吳山重陽近滿城風雨層樓外摩挲病眼尚堪延
佇米蕪有誰忘世慮催租底事妨詩句縱烏巾潦倒不禁
秋猶能賦 村隱隱牛羊路烟冉冉蕪葭渡是幾番
興廢幾番今古世亂可堪逢節序身閒猶有餘風度且
憑高呼酒發狂歌愁何處

又

已酉九日雨中家居憶夏士安頤貞蒙
亨叔姪唐元望元泰元弘昆季六人皆
常年同萸菊者一載之間俱羅患難各
天一方信筆紀懷有不勝情者矣

風雨重陽憑誰問故人消息記當日承平節序佩環賓
席處處相逢開口笑年、不負澄山屐是幾番扶醉挿
黃花烏巾側詩酒會成陳迹山水趣今誰識奈無情
世故轉頭今昔冰雪關河勞夢寐芝蘭玉樹埋荆棘
對西風愁殺白頭人長相憶

洞仙歌

賦孫明叔水光山色舟

紅塵海裏好風光誰有輸與滄浪釣竿手信翩然一葦

目斷空濛烟草外歷歷湘雲楚岫謾隨春浪去路入
桃源肯為繁華暫回首歲晚若歸來縱鷗鷺忘機莫繫
纜漢南楊柳好乘興凌風訪蓬萊爲說與麻姑海桑
依舊

江城梅花引 已卯除夕

燈前兒女小團圓歲將闌夜將殘一度逢春一度減朱
顏明日東風三十二又添得二毛侵鬢底斑世間世
問行路難身世間天地寬往事往事恨未了長恨儒冠
爆竹聲中春又到柴闌一任黃塵門外擾且留取舊梅
花獸自看

又

陸壺天錢素菴二老相會皆有感懷承
平故家之作索予次韻而不及當道作
者蓋俯念炒木之味也

五陵春色舊曾游翠娥謳錦纏頭花落花開不信有并
州淺碧障泥紅叱撥柳橋外滿東風無點愁 近來近來
雙鬢秋心漸收情尚留底事底事遠如許身世沉浮何
况年華長向鏡中羞繞見那時簾外月便想起醉吹簫
看畫樓

祝英臺近

和雲西老人秋懷韻

暮天雲深夜雨幽興到何許風拍疎簾燈影逗牕戶自
後暝宿河橋露聽江笛久不記舊遊湘楚 正無緒可

柰滿目清商蕭蕭五陵樹斜掩屏山腸斷庾郎賦幾回
思遶蘋花夢尋蘭棹怕驚起故溪鷗鷺

紅林擒近

水村冬景次錢素庵韻

雲樹風初勁霧牕晴尚怪鴈落野塘暝鶴鳴水村寒重
來尋梅逕裏漸喜嫩萼堪看向日院宇荒閒香冷舊銅
盤 几格橫素帙屏壁淡烟縷弓腰冷袖多情維憶前歡
但溫存羔酒留連獸炭暮江欲雪年又殘

又

冬雨晚晴次謝士英韻

山晚牛羊下野荒鳧鴈把雨脚度江遠日光映林微泥
深何堪縱步倚杖謾立苔磯望極浦口雲歸寒氣透征
衣 斷冰隨浪檝斜竹偃風扉江空歲暮村深人跡還

稀待霜橋梅破茅堂酒暖放船遠客延暉

春草碧

次韻素菴遣懷

更籌圖子宣和譜流落到如今空懷古江南荒草寒烟
前代風流共誰語猶有賦騷人迷湘浦烏衣巷口斜
陽惜院宇玉樹後庭花誰能舉五陵殘夢依稀回首
天涯歎行旅馬上杜鵑啼愁如雨

隔浦蓮

水檻晚晴

冰紈光暎素手竹簟醒殘酒滿院梅風起疎雲薄斜陽
漏蘭棹歸去後詩人瘦夢繞瀟湘柳屢回首開簾傍
晚烟中微見青岫滄浪遠興為問白鷗知否十里平湖
縱望久涼透江蓮香度疎牖

卷二終

蟻術詞選卷之三

慢

蘭陵王

春日寄錢塘諸友

舊時月曾照河橋夜別秋千下
花露染衣倚馬相看動
愁絕登臨黯望徹思落吳山萬疊
江村路春水乍生南
浦迢迢恨難越
匆匆換時節怪驛未緘鱗

平湖入夢情猶切嗟樂事長在壯遊
都誤酣歌迷舞興
未歇耿前恨休說
悽咽亂愁結記詩滿花牋
歌喚桃
葉琵琶水面今誰撥
但碧檻長倚楚離空擷
相思難寄

元雲間即復孺著
明新都汪 稷校

待更把斷柳折

又

王彥強以暮春有懷吳中故居之作見示
此公蜀故家因以蜀諸次韻答之

錦江綠長想秦城在日瞿塘上春水艤船十二遙峰翠
如簇羈懷未易觸斜日平原散牧潘郎愛年少宦遊遮
莫吳霜鬢邊撲名家舊韋曲記雨臥叢花春覆慈竹
東來重問烏衣屋愁濯錦人遠剪燈窓靜歸心偏是夢
裏速更題柱曾卜悽獨帶移東正驛路騶嘶烟浦帆宿
遨頭風度猶能續儘客館歌舞故人醺醖薛濤箋上
寫恨處字可掬

又

歲晚憶王彥強而作

暮天碧長是登臨望極松江上雲冷鴈稀立盡斜陽耿
相憶凭闌起嘆息人隔吳王故國年華晚冰水正深難
折梅卷寄寒驛東風舊遊歷記草暗書簾苔滿吟
屐無情征旆催離席嗟月隨寒影夜移清漏依稀曾向
夢裏識恍疑見顏色空惜鬢毛白恨莫趁金鞍猶誤
塵跡何時弭棹蘓臺側共漉酒紗帽放歌瑤瑟春來
覆燕定到否舊巷陌

八歸

庚辰七夕與衛立禮同

用此調

涼欺羽扇風生蘄竹秋意漸滿院落商聲又過梧桐井

還誤剖瓜佳會泥槎仙約謬憶中庭兒女夜幾笑語花
樓歡樂尚認得織女橋邊半是舊烏鵲 何事明河影
下佳期如許暗抱一襟離索箭壺催夢枕屏移恨是青
春行客對良宵感舊鬢髮蕭蕭歎潘 闌干迴翠簾
休卷待到更深啼蛩聲又作

又

秋夜詠懷寄錢南金

清蟾半露驚烏三匝城上漏水乍滴微涼已透瀟湘簾
還見小簾搖砌淡燈垂壁夜色迢迢人睡去正想到山
陽吹笛做弄得客裏文園病後更無力 還是秋期過
了鳴蛩牕戶又對新詩相憶片雲天外數峯江上幾誤
湘靈瑤瑟嘆流光過眼宋玉多情共今夕滄浪興扁舟

客與醉帽飄蕭亭臯清望極

摸魚子

歲晚感懷寄南金

見梅花一番驚感天時人事如許星霜冉冉東流水牢
落少年心緒時自語甚門外風埃綠鬢生塵土故人間
阻奈歲晚相思雲寒悵望此意轉悽楚 鬢年夢後仰
已成今古人生幾度歡聚故鄉景物渾非舊愁裏匆匆
時序能記否記剪燭西窗暝坐聽風雨春來更苦奈酒
量微增詩情未減何處喚儔侶

又

寒食雨中

倚闌干暮雲千里天涯芳草悽楚悽悽巷陌重門掩何
况滿牕疎雨江上路又還見黃金暗柳千萬縷荒村歲

序縱燕子新來梨花未掃好景自虛度 江淹老誰解
重吟恨賦東風依舊南浦青烟店舍長安道夢裏翠屏
朱戶間院字悵猶記佳人秉燭深夜語新詩謬與奈世
事驅馳流光荏苒回首更延佇

又

題王德璉山居圖

遍乾坤好山無數古來高隱能幾相逢盡衲林泉勝
無奈利名朝市青嶂裡望曲迳深門彷彿柴桑里先生傲世
任短褐長鑿清琴濁酒占斷晉風致 疎林下別有談
玄塵尾清風長滿牕几門前剝啄何須問應是米芝
仙子誰可比已不減當時鷄犬空起留連晚計儘冗石
藏書鋤雲種玉千古有靈氣

又

吳門客中九日次魏彥文韻

鴈來時晚寒初勁青燈搖動牕戶商聲暗起鄰牆樹觸
景亂愁還聚秋又暮奈合造淒涼無處無笳鼓狂塗醉
舞記滿帽簪花今籌藉草騎馬忘歸路 懷人遠有恨
憑誰寄語虛名長是相誤天涯節序渾非舊留得滿城
風雨心萬縷謬自喜孤高不惹沾泥絮羈懷倦訴好分
付兒曹耘耜三逕早晚賦歸去

又

甲辰壬子秋與夏順貞同在吳門屢有登
山之興久雨不果重陽日友人羅仲達以節
物為具同席數人意頗歡適乙巳九日

在九山之東泗水上酒闌散步夕陽依
依固戀在望興懷往事不能無述未知
明年又在何處駒隙如馳行樂能幾
所謂難逢開口笑也

記年時滿城風雨姑蘇臺下重九客樓已辨登臨履曾
爲好山回首延佇久望翠屏嶙峋閒却題詩手相逢野
叟強咲折黃花亂簪烏帽來與共尊酒 流光去肯爲
閒人宿留驚心節序依舊西風只麼吹蓬鬢病骨尚堪
馳驟官渡口便擬喚扁舟往問江潭柳明季健否繼世
故無情未應遲暮辜負此時候

賀新郎

沙德潤任以南相與追和貫酸齋琵琶
詞韻拉予同賦第元韻出入讀之不純
也

馬上貂裘裂料明妃幾番回首舊家陵闕留得胡沙千
年恨寫入冰絃四列想歷遍關河風雪彈動伊涼衰怨
曲把繁園風韻都消歇南部樂向誰說 多情只記瀟
湘瑟縱而今宮移羽換此懷難竭便有傳來中原譜終
帶穹廬烟月甚長是未歌先咽顧曲周郎今已矣滿江
南誰是知音客人世事幾圓缺

又

題王德璉水蠟卷

一段江南綠望依依沙鷗起處輞川橫幅十里平郊人

煙聚掩映汀洲幾曲試與問隱君林屋花逕竹門春窈窕
有蒼顏綠鬢人如玉揮白羽跨黃犢高情遠繼巢由躅
向滄浪濯纓垂釣自歌還續手種陂塘千株柳隔斷紅
塵萬斛算馱有漁舟來孰待約西施同載酒起桃花
浪暖相追逐尋勝地訪遺俗

又

曹園紅梅數種十餘樹雲西老人手植也時
時殊事異殘板存者無幾其孫幼文命客飲
于其下永嘉曹新民賦詞為詠子適有出不
與越數日幼文持卷來求次韻席上口占以

答

海底珊瑚樹問鮫人幾時擎出碎為繁露藉女拾來紉
成佩妝點江南歲暮便掩映含章牕戶更著絳綃籠玉骨
怕黃昏不向孤山路銀燭暗未歸去 夢中曾被黎雲
誤最難忘長沙形勝水聲東注若見何郎須相報不改
揚州韻度道穠豔尚重賦一點酸心渾不死笑桃根桃葉
非吾故空谷底謬延佇

沁園春

龍洲先生以此詞咏指甲小腳為絕代
贈灸繼其後者獨未之見彥強庚兄示
我睂目二作真能追逐古人於百歲之
上不既難矣暇日偶於衛立禮座上以

告孫季野文為之擊節不已因約相與
同賦翼日而成什焉

巧鬪鸞環織凝嫵媚明粧未收似江亭晚玩遙山拂翠
宮簾暮卷新月橫鉤掃黛嫌濃塗鉛訝淺能畫張郎
不自由傷春勸為皺多無力翻作嬌羞填來不滿橫秋
料著得人問多少愁記魚牋緘啟替人偷斂鴈鈿膠併
運指輕揉有喜先占長顰難效柳葉輕黃今在否雙尖
鎖試臨鸞一展舊風流

又

漆點填眶鳳梢侵鬢天然俊生記隔花瞥見疎星炯
炯倚闌延佇止水盈盈端正窺簾幕騰凭枕睥睨檀郎長

是青銷凝久待嫣然一顧密意將成因酣時倚銀屏
強臨鏡按抄猶未醒憶帳中親覩似嫌羅密尊前斜注
翻怕燈明醉後看承歌時闌弄幾度孜孜頻送情難忘
處是香羅搵透別淚雙零

又

早春雨中遣懷

菜甲封泥桃英怯凍淺寒尚濃正小牕深掩暮雲低密
頽垣半露殘雪玲瓏冷逼單衣愁欲勸枕暗度一番花信風
年光在但塵襟耿耿鏡鬢匆十年舊夢無蹤算何
異天涯隨轉蓬甚惜惜坊陌燈宵閒過沈烟雨酒興
誰同鳥已春聲人猶舊感點檢芳菲前事空鷺花好
更明年此際何處相逢

風流子

次李仲興秋思韻

芙蓉秋水綠河橋畔駐馬落霞明念燕小畫樓處蟬侵花
簡謝孃朱戶香冷銀屏悵猶記潯江留夜客滕閣醉詩
賓驛上信音美人遲暮鴈邊城郭霜氣淒清 潘郎愁
多少傷情處無奈兩鬢星星江路晚風三疊長是愁聽
縱絲筆殷勤近來無準畫閣縹緲一向誰憑何處笛聲
哀怨幽夢難成

霜葉飛

小溪歲晚與南金夜坐分韻

晚風吹醒梅花夢唵窓人倦無語楚天雲澹鴈淒涼何
况黃昏雨又忽忽驚心歲序村荒更迴無鐘鼓對夜色
蕭條謗借得孤缸耿耿獨照離緒 惟悴怨墨頻題征
衣慵整怪却僂髮如許故園猶是舊東風往事今塵土
但憶著章臺柳樹十季青鏡催遲暮任艷懷如流水芳
草王孫有誰能賦

花心動

黃伯陽歲晚見梅適遇舊賦以贈別持
行卷來求孫果翁衛立禮泊予皆和

東閣何郎記當時曾賞舊家紅萼綠筆賦詩綠髮替花
多少少年行樂自從驚覺揚州夢芳心事等閒忘却斷
魂處月明江上路迷天角老去才情頓薄柰客裏相
逢共傷深泊洗盡艷粧留得遺鈿尚有暗香如昨歲寒
天遠離杯短匆匆去孤懷難託向花道春來未應誤約

又

贈散妓蟾宮秀

塵滿人間有誰能分得廣寒風度謔道小嬌疑是前身
會到巖花深處九霄宮殿春長好只合伴霓裳僊侶問
何事等閒回首却迷塵翹縹緲瓊樓玉宇奈霧鬢烟
鬟不勝風露小試舊粧纔近芳尊已變世間歌舞想應
羞見嫦娥寡重來傍巫山行雨總忘了青冥向來去路

南浦

次韻峇南金見寄

烟水隔殊鄉又匆匆誤了蹋青時候一別幾多時河橋
外官柳青條猶瘦君來為問渡江桃葉曾來否生怕木
蘭雙艇子只道故人依舊孤村寒食駁尋料歸期漸
近花開休驟油壁耐東風先拚取同醉亂紅千畝憑闌
望久幾番魂斷烟中岫從此相逢休草草莫對夕陽搔
首

西河

一春索居況味殊惡賦此紀
懷

春夢覺一聲何處啼鳥東風二月舊江南庾郎暗老嫩
寒日日禁單衣闌干憑遍清曉水涯柳條漸好玉驄
幾度曾到如今巷陌蹋青時人去杳杏花不在宋東
鄰苔墻猶自圍繞鳳鞵次第又闌草暗淒涼前度懷
抱病後不禁愁惱怕西園路濕殘紅如掃空憶花前纖
腰嬾

蟻術詞選卷之三

國家圖書館, NATIONAL CENTRAL LIBRARY, TAIWAN, R.O.C.

長洲
張吳曜
張教書
刻

蟻術詞選卷之四

謗

六州歌頭

戊申歲一春強半風雨不可出戶者至有
兼旬之久三月九日寒食烟雨中望鄰
牆桃花殆欲零落感人事之不齊歎芳時
之易失信筆紀述斐然成章桓司馬謂
樹猶如此人何以堪今乃信之矣

劉郎老去辜負幾東風思前度玄都觀舊遊蹤怕重逢

元雲間邵復孺著
明新都汪 稷校

新種桃千樹花如錦應笑我容顏改渾不比向時紅
我亦無情久矣繁華夢過眼成空縱而今再見何似錦
城中往事匆匆任萍蓬憶歡娛地經行處秦樓畔灞橋
東春冉冉花可可霧濛濛水溶溶幾度題歌扇歌醉
帽繞芳叢時序改人面隔鬢霜濃別有武陵溪上秦
人在仙路猶通待前村浪暖鼓楫問漁翁此興誰同

東風第一枝

年來逆境驅馳不知歲序之有遊賞忽
忽春風徒起浩嘆庚辰新正與南金剪
燈小酌分題寫懷追念古人樂事今無
一在眼時於文字中見其二遂各想像

舊事爲之然心之所好亦寂寞中一樂
也予得此調南金得春從天上來

舞館簪蛾譙門試角疎燈時弄春影晚簷鐵馬敲晴夜筆
錦鴻送冷銅駝陌上早官柳輕黃籠暝料小樓一枕微醒已
被嫩寒欺醒花信阻瑣牕慣靜芳事杳翠衾倦整晚
粧似怯梅鈿舊香尚凝篆鼎朱門雙掩向闕帛闌干慵
並待灞橋重暖新壚擬約舊桃蘭艇

又

春來無句寒氣不減舊臆正月廿二日
曹雲翁招飲聽雨西牕南金偁道及前
作翁欣然命筆次韻故又口占爲謝

亂雨敲牕深燈暈壁孤屏相對吟影醉餘夢蝶難尋起來
睡鴛較冷東風急處又卷得殘雲催暝柰暗愁忽到梅
邊夜粉香熏醒 門正掩暮簾乍靜花未開小車預整
鬪茶尚憶分曹賦詩更聯古鼎春衫慵試怕誤了金鞍
相竝待小桃開滿前溪旦踏武陵漁艇

春從天上来 次南金早春韻

九陌香泥正楚館欺寒裊春鷄兩行簾底銀燭千秋
市笑語聲齊喜盤行纖手剪生菜巧簇青絲晚晴時
漸紅葉照眼黃柳舒眉 東風舊家樂事奈酒興沉
舞隊傲、小譜鸞成重樓羯鼓生怕悞却花期好情懷
都改年光在物換星移誤芳菲想六橋燈火猶繞蘓堤

齊天樂

甲戌清明雨中感春

離歌一曲江南暮依稀灞橋回首立馬東風送人南浦
認得當年楊柳梨花過怕不見鄰牆弄梅纖手綺陌
東頭箇人還似舊時否 相如近來病久縱腰圍暗減
猶未全瘦宿酒昏燈重門夜雨寒食清明依舊新愁謬
有第一是傷心粉銷紅溜待約明朝問舟官渡口

又

已卯春客樓雨中懷小谿故人行樂

東風吹雨春城晚黃昏小樓人靜燕子朱簾誰門畫角
收拾柳邊殘暝微燈照影歎塵滿書牀火銷香鼎客裏
王孫故家樂事尚能省 人生壯遊幾許舊鷗應怪我

沙上盟冷剌燭催詩傾尊款話長憶西窗風景相思有
興待官渡回潮荜橋吟艇莫遣啼鶻夜深驚夢醒

又

戊子清明次曹雲翁韻

深牕暮灑梨花雨隨風亂零如霰寒食初過連陰未解
黃昏酒闌人倦春鐙謾剪怪濃潤沾衣淺寒迎面芳事
蹉跎彊將花譜自舒卷天涯芳草漸滿踏青暗路阻
闌檻凭遍鶯隔重門舟迷晚渡應是不勝清怨歡遊未
展縱不奈悽迷懶尋消遣只怕晴時落千萬點

又

甲午七月望後橫泖客舍驟雨頓涼秋
聲滿樹小窓暮倚四無人聲暝色凝烟

不勝悽黯闔戶呼燈著此以紀旅思

碧梧庭院秋聲早惜惜暮天雲影雨送涼蟬風欺勸翼
絡緯猶啼金井疏牕弄暝正屏押簾垂畫屏燈冷節序
依然旅懷長是歎流景舊家園苑廢久歲寒松桂在
清事誰領待月幽軒尋涼小艦斷夢有時提省乘槎路
迴便逸興相牽倦塗難騁甚日歸來傍湖畊二頃

又

乙未春暮錢素菴見和前韻

再歌以謝之

柳花飛滿春歸路隔江暮雲搖影草暗河橋塵昏水驛
難覓僊翁丹井年光漸暝任老髻霜凋壯心灰冷世故
紛紜寄書長擬問弘景山林多少勝地四時蕭散處

譚咲能領小舫尋詩輕裘把釣此意尺今誰省斜陽迴
迴算往夢難追曠懷休騁目斷南湖平蕪千萬頃

又

戊戌冬初領省檄會無錫州將李正卿
同檢踏屯田秋稼此邦兵餘民居蕩析皆
黃茹白骨之境眼界殊惡李侯索賦衙
間口占復命

西風滿面吹華髮肩輿徧行荒野草莽無垠人煙掃跡
猶有青山如畫斜陽又下奈倦宿軍營喜逢田舍官事
驅馳旅途情緒頓衰謝天邊雁飛漸遠故園回首處離
恨難寫寒入征衣雲遮望眼忘卻向來瀟灑塵氛未

解便好問歸舟早圖休駕夢遶寒谿小梅應綻也

又

次韻王原吉龍江別業

去年珥棹龍江市曾瞻故人衡宇樹隔琴林芸香書屋擣
藥時鳴清杵壺籤報午想頻拂詞箋間脩花譜如此幽
閒雅宜連榻聽風雨多君曳裾相府縱風流文采終帶
清苦借筇壽帷持杯說劍長歷漢臺秦礎尋幽訪古便
後約須期細論重與歲晚山中茯苓還共煮

又

張翔南寓金陵時嘗有寄金子尚魏彥
文洎諸詞友之作乃辱彥文見念獨以賞
音見許而不知予頻年連嬰逆景久踈

詞筆非復向時懷抱矣戊申秋杪邾仲義
持示詞卷且辱彥文寄聲併索近作入
卷乃為倚歌二闕其一以荅彥文其一
以喜翔南還家

當年放浪蘇臺下長從故人詩酒繭帖飛花鷓鴣度曲
思繞閭門楊柳星霜易久悵十載分攜幾番回首滄海
塵昏屋梁落月尚依舊山林何處寄傲不如人意事
長是八九有客傳書多君玩世况是不忘衰朽明朝見
後縱少壯難追好懷還有醉墨淋漓浩歌開笑

又

寄張翔南

六朝千古臺城路傷心幾番興廢形勝空存繁華暗老
舉目江山還異風塵萬里奈遷客驅馳去程迢遞故舊
相望鴈邊消息緲難寄春風鳳凰臺上轉蓬回首處
應歎身世江總情深陳琳檄倦投老竟成歸計斜陽某
水且淨洗緇衣任休行李只怕東山興來還又起

霓裳中序第一

中秋後二夕對月

秋堂氣漸肅暮角吹來聲斷續凭遍闌干幾曲又涼戰
庭梧風敲簷竹多情宋玉對楚天無奈幽獨中秋過月
華未闕夜色燦如燭空谷美人羈束又老盡江南草木
愁來心緒易觸目斷瑤臺夢遠金屋鴈歸猶未卜且漫放
題紅去速悽迷處年來詩鬢換動鏡中綠

疎簾淡月

和黃伯成吳興道中韻

蒼煙古木漸暝入小溪鷗鷺如玉斜倚孤蓬眺晚毳裘寒
肅秋孃渡口山橫處舊曾尋五陵芳躅畫樓燈火如今冷
落塵滿華屋奈景物因人反覆算千古風流今有誰續
茗水東邊月上酒醒人獨角聲吹老梅三弄想依倚曾
夢蛾綠西風回首山中有人滿頭黃蘗

角招

故園舊有老梅數樹自庚午至庚辰十載
之間六遭巨浸無一存者年來惟起步
月前村之歎辛巳正月廿四日曹雲翁以
紅萼一枝見予風度絕韻舊感橫生念

生念之不置因綴此闕為解併以謝翁
焉

夢雲杳東風外畫闌倚遍寒峭小梅春正好謾憶故園
花滿林沼天荒地老但暗惜王孫芳草鶴髮仙翁洞裏
為分得一枝來便迎人索咲牕曉冷香窈窕幽情雅
澹不減孤山道舊愁渾欲掃却却明朝新愁縈繞何即
易惱且約住傷春懷抱綠筆風流未少更何日玉簫吹金
尊倒

又

次黃伯陽茗溪舟中韻

暮雲起茗溪上畫橈蕩漾春水道人烟浪裏信筆賦詩
千古無此吳頭楚尾問舊日陶朱鄰里擷得江蘼寄遠

向天角歇孤帆且行行休矣吟倚柳陰傍晚花期暗
數芳事今餘幾舊遊難屈指化鶴歸來依然城市紛紜
鬧紫豈不羨山林宮徵更約唵船共艤賸判得落殘花
欺行李

憶舊遊

追和魏彥文清明韻

記烏衣巷口灞水橋邊問柳尋花竟日追遊處儘揮
鞭繡陌弭櫂暗沙酒闌美人歸去香擁碧油車自綵笔
題情金鐙款醉幾度年華天涯故人遠料對景相思
應念無家又見分榆火奈移根換葉往事料嗟小樓倚
遍殘照長羨暮棲鴉賴伴我消魂遙岑寸碧三四了

水龍吟

戊申燈夕雲間城中作

兵餘重見元宵淺寒收雨東風起城門傍晚金吾傳令
遍張燈市報道而今依然放夜縱人遊戲望惜惜巷陌
星毬散亂經行處無歌吹太守傳呼迢遞謬留連通宵
沉醉香車寶馬火蛾麩繭是誰能記猶有兒童等閒來
問承平遺事奈無情野老聞燈嬾看閉門尋睡